

Broj: 4662 /25.
Datum: 09.04.2025. godine

Na osnovu Odluke o imenovanju Komisije za provođenje konkursa za izbor i imenovanje članova Nadzornog odbora KJKP „RAD“ Sarajevo broj: 01SP-3807/25 od 20.03.2025. godine, a u skladu sa članom 31. Statuta KJKP „RAD“ d.o.o. Sarajevo-prečišćeni tekst, br. 1498/23 od 20.01.2023. godine, Konkursa za imenovanje članova Nadzornog odbora KJKP „RAD“ d.o.o. Sarajevo objavljenog u Službenim novinama Federacije BiH broj 22. od 26.03.2025. godine, dnevnom listu Oslobođenje od 25.03.2025. godine te na službenoj stranici Preduzeća KJKP „RAD“ d.o.o. Sarajevo objavljenog dana 21.03.2025. godine, Komisija donosi:

POSLOVNIK O RADU KOMISIJE ZA PROVOĐENJE KONKURSA ZA IZBOR I IMENOVANJE NADZORNOG ODBORA KJKP „RAD“ d.o.o. SARAJEVO

I OPŠTE ODREDBE

Član 1.

Ovim Poslovnikom uređuju se pitanja organizacije, načina rada i odlučivanja, način provjere znanja kandidata, način i kriterijumi ocjenjivanja kandidata Komisije za provođenje konkursa za izbor i imenovanje članova Nadzornog odbora KJKP „RAD“ d.o.o. Sarajevo (u daljem tekstu: Komisija).

Član 2.

- (1) Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.
- (2) Član Komisije je dužan čuvati službenu tajnu i druge povjerljive podatke koje sazna u obavljanju svoje dužnosti.

Član 3.

Komisija provodi postupak izbora kandidata u skladu sa odredbama Zakona, Statuta i općih akata Preduzeća.

II SASTAV KOMISIJE, PRAVA I OBAVEZE ČLANOVA KOMISIJE

Član 4.

- (1) Komisiju, koja broji tri člana čine radnici Preduzeća i predstavnici Osnivača KJKP „RAD“ d.o.o. Sarajevo.
- (2) Članovi Komisije posjeduju stručno znanje u odgovarajućim oblastima.
- (3) Administrativno-tehničke poslove za Komisiju obavlja sekretar.

Član 5.

- (1) Komisija radi i donosi Odluke na sjednicama Komisije.
- (2) Komisija odlučuje o pitanjima iz svoje nadležnosti većinom glasova.
- (3) Komisija radi u punom sastavu, a obavezno radi u punom sastavu u provođenju razgovora i ocjenjivanju kandidata.

Član 6.

- (1) Sastanci Komisije se održavaju na zahtjev predsjednika Komisije koji vodi sastanak.
- (2) Na sjednici Komisije vodi se zapisnik.
- (3) Zapisnik potpisuje predsjednik i članovi Komisije.

Član 7.

Član Komisije će odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u prvoj ili pobočnoj liniji do četvrtog stepena i u tzbinskoj liniji do drugog stepena.

III POSTUPANJE SA PRIJAVAMA

Član 8.

- (1) Komisija po isteku roka od posljednjeg objavljivanja javnog konkursa za izbor i imenovanje članova Nadzornog odbora KJKP "RAD" d.o.o. Sarajevo, po pravilu, otvara i razmatra sve pristigle prijave i dostavljene dokaze i sastavlja spisak kandidata za koje se provodi izborni postupak za pozicije iz člana 1. ovog Poslovnika. Komisija prijave razmatra isključivo sa aspekta općih i posebnih uslova predviđenih javnim konkursom.
- (2) Spisak kandidata iz stava (1) ovog člana potpisuju svi članovi Komisije.
- (3) Prilikom razmatranja pristiglih prijava, Komisija utvrđuje da li su prijave uredne, potpune i blagovremene.
- (4) Urednom prijavom na javni konkurs smatra se prijava koja je potpisana od strane podnosioca prijave. Potpunom prijavom smatra se prijava uz koju su priloženi svi dokazi o ispunjavanju općih i posebnih uslova naznačenih u javnom konkursu za izbor i imenovanje članova Nadzornog odbora KJKP "RAD" d.o.o. Sarajevo. Uz prijavu se, u originalu ili ovjerenim fotokopijama, prilažu dokazi, naznačeni u konkursu za izbor i imenovanje članova Nadzornog odbora KJKP "RAD" d.o.o. Sarajevo. Blagovremenom prijavom smatra se prijava koja je podnesena u roku određenom od posljednjeg objavljivanja u javnom konkursu za izbor i imenovanje članova Nadzornog odbora KJKP "RAD" d.o.o. Sarajevo.

Član 9.

- (1) Neuredne, nepotpune i neblagovremene prijave neće se uzeti u razmatranje.
- (2) Komisija pismeno, putem pošte ili putem e-maila, obavještava kandidate, čija dokumentacija je neuredna, nepotpuna i neblagovremena, da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljanu dokumentaciju, u roku od tri dana od dana prijema obavijesti.

IV PROVOĐENJE IZBORNOG POSTUPKA

Član 10.

- (1) Proces izbora kandidata, među kojima se provodi izborni postupak, provodi se putem Intervjua.
- (2) Intervju obavlja Komisija pojedinačno sa svakim kandidatom, čija je prijava uredna potpuna i blagovremena.
- (3) Komisija će o vremenu i mjestu održavanja intervjuja obavijestiti kandidate pismeno i to putem e-maila i usmeno – telefonskim pozivom.

Član 11.

- (1) Komisija će se sastati 1 (jedan) sat prije zakazanog termina održavanja intervjuja i tom prilikom će utvrditi kriterije i način provođenja intervjuja, te sastaviti pitanja iz sljedećih oblasti: opšta pitanja o radu i djelatnosti KJKP "RAD" d.o.o. Sarajevo, pitanja iz nadležnosti i odgovornosti Nadzornog odbora i Uprave Preduzeća, poznavanje propisa koji se primjenjuju na rad i poslovanje javnih Preduzeća, ponuđenog programa rada i razvoja Preduzeća, motivaciju kandidata zašto se prijavljuju na konkurs.
- (2) Intervju se sastoji od 5 pitanja.
- (3) Komisija će izvršiti bodovanje svakog kandidata zavisno od kvaliteta odgovora na postavljena pitanja, kvalifikacije i iskustva u dosadašnjem radu, sposobnosti prepoznavanja, zastupanja i zaštite interesa preduzeća, sposobnosti za odgovorno obavljanje dužnosti člana Nadzornog odbora, izražene inicijativnosti i nezavisnosti u radu i donošenju odluka, znanju i sposobnosti za razumijevanje finansijskih i poslovnih izvještaja, poznavanju propisa vezano za djelatnost i rad

Preduzeća, komunikacijske i organizacijske sposobnosti, rezultatima rada ostvareni tokom dosadašnjeg radnog angažmana i općeg dojma.

- (4) Svaki član Komisije učestvuje u intervjuu i ocjenjivanju kandidata sa ocjenom od 5 do 10 bodova po pitanju.
- (5) Maksimalni broj bodova koji kandidat može ostvariti iznosi 50 bodova.
- (6) Rezultat intervjuu će biti zbir bodova koji su dali članovi Komisije podijeljen sa brojem članova Komisije.

Član 12.

- (1) Komisija će na osnovu dostavljene dokumentacije, obavljenog intervjuu i utvrđenih bodova, koje su ostvarili kandidati tokom intervjuu, sačiniti Izvještaj sa prijedlogom kandidata za izbor i imenovanje članova Nadzornog odbora i isti dostaviti Skupštini Preduzeća u roku od 30 dana od dana isteka roka za podnošenje prijava po raspisanom konkursu.
- (2) Izvještaj sa prijedlogom kandidata iz stava 1. ovog člana potpisuju svi članovi Komisije.
- (3) Skupština Preduzeća može obaviti ponovni intervju sa nekim od kandidata ukoliko ocijeni da postoje razlozi za to.
- (4) Odluku o izboru i imenovanju članova Nadzornog odbora donosi Skupština Preduzeća.

V ZAVRŠNE ODREDBE

Član 13.

Izmjene i dopune ovog Poslovnika vršit će se na način i po postupku za njegovo donošenje.

Član 14.

Ovaj Poslovnik stupa na snagu danom donošenja i primjenjivaće se do okončanja konkursne procedure.

KOMISIJA :

1. Almir Pamuk, predsjednik Komisije




2. Remzija Avdibegović, član Komisije




3. Dženita Mesić, član Komisije ispred MKIPGO Vlade Kantona Sarajevo


